



FAXED
AUG 21 2009

E-MAILED
AUG 21 2009

COMUNICADO DI PRENSA
Fecha: 21 di augustus 2009
No.: 08-2009

Oranjestad – Awe diabierna 21 di augustus Comision Bon Boluntad a tene hunto cu representante di partido politico nan reunion semanal di Cuerpo di Supervision di e actual campaña electoral.

Di parti di tanto e partidonan como di CBB tabatin comentario positivo pa e manera cu campaña electoral ta bay na e momentonan aki, sin incidente cu a ser raporta. En general a expresa e speranza cu drentando den e ultimo luna prome cu dia di eleccion, e ambiente por continua asina.

Tabatin algun punto di atencion menor cu a keda discuti, cu tabata e hecho cu ainda tin bandera di partido politico coloca riba tereno publico na algun sitio. Tambe den centro di Santa Cruz a keda atras despues di un evento politico barinan cu bandera riba acera publico cu ta stroba pasada di peaton. Lo comunica cu e autoridadnan corespondiente pa pidi nan cooperacion pa kita esakinan.


CBB ta expresa e deseo cu den e ultimo fase di campaña aki e atencion di tanto politico como ciudadano votador lo ta mas concentra riba kico e programa di cada partido politico y su candidatonan ta encera, y kico nan tin pensa pa haci pa nos pais den e proximo periodo di gobernacion riba diferente tereno, y no laga aspectonan personal hunga un papel importante den e debatenan cu ta bay tuma lugar.

CBB ta notifica publico en general un vez mas cu riba website di su secretariado estableci na Camara di Comercio, tin formulario digital disponible pa aporta cu comentario, critica, keho y sugerencia encuanto e campaña electoral. E formulario yena por bay via fax o e-mail pa Secretariado di CBB:

Fax. 588-3200; E-mail: secretariat@arubachamber.com

Atentamente,

Na number di Comision Bon Boluntad,

p/o 
Ireneo Valdes, Vice-Presidente

Secretariado di Comision di Bon Boluntad :

Tel. 582-1120 Ext. 34/41-Fax. 588-3200

E-mail secretariat@arubachamber.com

Website: www.arubachamber.com/ComisionBonBoluntad.htm